

楓江草堂集

—



PDG

吳興鏐氏
嘉業堂琴

詩者將同於人以爲言乎異於人以爲言乎徒知同於人之不可以言也而槎牙其字句鉤棘其文辭力趨於異而卒莫可以自異懋從同矣顧同者一人之言人人所可言也一時之言時時所可言也於詩不必有我卽於我何必有詩哉夫甲乙之貌或相似也徐而訾之必有其異焉者矣秦越人之音絕相遠也會而通之亦有其同焉者矣是故據乎異可以觀天下之同統乎同可以著天下之異同非同異非異而后可與之言詩如此者於吾宗得一人焉曰立齋立齋隸籍吳興自其先翰林寓家於蘇所居楓江草堂圖史充牣花竹秀發優游俛仰終年無門外之事故得覃精讀書畢意於撰述也

綬識君十年今始出所著俾讎校之且詭以綬爲知詩
命序其首夫綬何以益君哉君之詩不苟爲同異者也
其學贍故取材多其志芳故修辭潔其遇亦少艱矣故
才閎而不肆氣深而不流不求同於人而自然有以同
不求異於人而自然有以異言君詩者如是止矣雖然
君之詩能不苟爲異同者何也言自中出則自成其言
已矣蓋不知其爲同也不知其爲異也化乎同與異之
迹而自有其詩綬惡乎測其所至哉竝世才雋之士有
詩而無詩以異同之說參之而君乃倜倜乎遠也道光
七年丁亥八月旣望朱綬仲環甫撰序

楓江草堂詩集卷第一

吳興叢書

長興朱紫貴甫立齋

虞姬歌

丙子

項王叱咤驚千人
虞兮事王王不嗔
君王戰敗楚歌起
羅袂飄飄跋珠履
一杯酒三尺水
受君憐爲君死
血痕滿地焉支紅
芳魂化草搖秋風
君不見赤帝大敗
靈壁東雉姁爲質
留車中

晚泊

獨客挾書劍孤舟
侶僮僕西風生晚涼
遠水蕩空綠山郭人
歸夜火明蘆花楓葉
動秋聲黃昏繫纜松
根石一片寒潮裏聽

陳橋行

邊庭誰報烽煙飛朝遣太尉爲督師烽煙不見邊城起
莫聞檢點作天子削平六合眞人豪終憐倉卒披黃袍
杜后弗喜符弗悲冥冥天意非人爲君不見深宮無人
影搖燭孤兒寡婦吞聲哭又不見風濤海舶厓山門趙
氏豈留一塊肉

客中花朝

丁丑

二分春色畫闌前綺節魂銷倍黯然修竹緒風調鶴地
杏花疏雨困人天懷鄉易醉金尊酒緘恨空題玉屑牋
我有閒愁比新柳終朝三起又三眠

山塘

我來著眼秋陰裏碎雨零煙塔影迷一帶畫樓簾不卷
幾株風柳晚鴉唳

同吳

景恩 蔣嘉璜

由破山寺至三峰維摩涉桃

源澗而歸得詩四首

戊寅

積雨誤前期新晴果夙諾言偕素心人共躡雙芒屨迢
遞經村墟迂回度略約弱柳垂長條夭桃散繁萼路轉
羊腸紆歧分犬牙錯水色明遙川松濤響幽壑回眺城
中山青靄映樓閣

出郭不數里已詣破山寺夾徑羅松篁因風送虛籟一
澗清淺橫雙橋左右會飛閣抗疏峰層樓界芳靄是時
雨霽初遠林滴空翠眾鳥散春聲繁花釀香氣三復少

府詩了然得禪意

我行萬綠中石路何盤盤不知所歷高但覺天風寒梵音散寥泝佛閣凌巘屹雲際憩花榭林端憑石闌身在清淨域日玩蒼翠山殿角一鈴語妙香聞栴檀

入山風清塵出山雨祖道維摩古紺宇樓閣何縹緲曲徑飛餘花修廊蔭密篠寒光聚激潭暝色赴歸鳥回視向所經早覺隔雲表桃源澗水流近城聲漸小

花朝日與徐

球

汎舟鸚鵡湖

己卯

去年同醉餘杭酒垂柳垂楊第六橋一別江湖仍浪蹟相逢雲水又花朝斜陽樓閣初殘雪遠浦帆檣正上潮共向蓬窗閒眺望詩瓢茗盃太蕭寥

桃李篇

陽和被萬物桃李生輝光春風一相媚垂影蓬池旁蓬
池何瀾瀾膏澤流未央中有魴鯉游上有鴛鴦翔屬茲
豔陽節登君白玉堂肴核羅綺席左右吹笙簧妖姬奏
新曲起舞鳴金璫四時相迭代六龍方騰驤豈不慕朝
榮爲君傾一觴常恐嚴飆發瑤階凝雪霜

臨平道中

庚辰

落盡梅花古渡頭酒旗春影漾寒流東風無數垂楊柳
已作輕陰覆戍樓

西湖湖山神祠竹素園

青山遠近路疑引斷橋西去隨意行滿地落花一寸厚

到門雙屐輕無聲老衲煙霞作供養六時不誦楞伽經
爲我欣然設茶具澗水淨汲花瓷鉗踞石倚松路繚曲
斜廊小閣開瓏玲平臺無人綠苔滿蹋枝孤鳥梳修翎
山果欲墮蒼鼠抱池萍乍暖羣魚爭流泉繞階往而復
有時冷韻調竽笙白雲弄影度斜嶺須臾水墨張成屏
颯然者風動萬竹竹亦作勢如相迎暝色一園起喬木
蕉葉碎雨敲零星起尋鶯聲不知處胡蝶抱花煙際聽
晚鐘一杵逗遙寺余亦歸路循回汀更期款門看新月
斜簪散髮香茅亭

雲林寺

散策背湖色幽尋詣鷺嶺閒身適芳時孤懷入靜境古

佛蹲莓巖坐聽澗響冷竹風灑然來吹我塵夢醒縹緲
陟高閣萬綠色相屏了了蒼松巔暝猿挂疏影遙瞻三
竺雲半出韜光頂鳥語天籟喧山意太古靜偶來初地
游適與佳晨併淨理誰與參法鼓時一警

湖上雜詩

絲絲煙柳倚春嬌寶馬香車尙寂寥正是杏花疏雨裏
一聲漁笛定香橋

煙水空濛汎野航南屏山色半斜陽魚亭鷺院周遭過
一塔船頭影漸長

畫裏亭臺鏡裏人雙隄拂面輒紅塵嬌鶯穉燕孤山路
占斷西湖一角春

鞭絲帽影翠屏隈
水閣湘簾四面開
行過紅橋人小立
落花如雨打頭來

峭無人倚曲闌紅
梅嶼西頭葛嶺東
一片香風寒食雨
四山都在溼雲中

楊花吹影過平湖
幾日春城又綠蕪
金碧樓臺詩畫舫
清明一幅上河圖

竹外疏鐘動翠微
青山影裏畫船歸
繁枝拗取帽檐插
胡蝶隨香飛上衣

無數峰巒隔水遙
湖亭濯髮聽吹簫
欲知詩思銷魂處
澹月疏星第六橋

春盡日游寒碧山莊

玲瓏臺榭小巖阿略有峰巒掃黛蛾一片落花飛絮裏
赤闌橋上酒人多

欲共詞家賦餞春柳陰小立意逡巡一池絕好菱花鏡
只照明璫素袂人

聽秋圖爲沈峯題

紅豆花前短夢遙秦樓聲斷紫鸞簫闌干一角銷魂地
碎雨零風又此宵

往事

漏盡鐙昏意黯然無人庭宇獨成眠銀箏度曲仍鄰院
翠被焚香自去年冰雪煎茶陶學士江湖載酒杜樊川
此生總爲清狂誤往事傷心但錦牋

秋夜聽琵琶歌莊

培基

筵上作

曲房露下花含煙半鉤涼月西南天主人能歌客能舞
酒酣忽響琵琶弦弦聲掩抑歌聲曼龍頭巧護春風面
碧煙吹夢雙鸞曉紅雨敲春萬花顫清商入破斷還續
一片檀槽併哀玉深閨豈解斷腸聲卻作關山出塞曲
悄倚闌干我欲愁鐙殘香燼冷添秋風梧葉葉鳴金井
樓角棲烏盡白頭

短夢

秋來短夢太惺忪薄醉情懷唱懊儂曲院無人初落葉
小樓有月獨聞鐘爲誰垂淚風簾燭替我言愁露砌蛩
已是荃蘅凋綠意涉江何處采芙蓉

夜宿虞山客館

梢梢竹雨飄罔罔山月吐人意淒在幽秋聲浩無主露
下百蟲喧風定一鈴語清商變時節眷言念獨處

獨游山塘

今朝也有荒寒意萬葉秋聲欲雨天一片西風水楊柳
紅橋斜繫罽泥船

野行

西風吹帽影寒色起荒原落葉欲無路雞鳴知有村漁
舟維野釣破網曬柴門杜老爲農意何人與其論

重過拙政園

月榭風廊得再窺夕陽影裏客來遲無人亭榭山茶老

有恨簾櫳海燕知。蟋蟀籬空黃葉滿。蠨蛸戶冷碧苔滋。
舊時草長鶯飛日。共許尋春到習池。

紅塵那有地行仙。猿鶴中宵應惘然。自昔園林同傳舍。
於今樹石又平泉。已枯荷葉難爲鼎。未老苔花賸有錢。
我向回廊久延眺。昏鴉一一下松巔。

答贈沈逢源

沈侯三十棲市廛。不官不娶年復年。夜誦相如美人賦。
朝吟魏武烈士篇。鄉里小兒笑不止。謂君乃是妄男子。
豈知縱飲淋漓時。胸中奇氣干虹霓。昨朝寄我相思字。
突過陳留阮書記。如此才居陋巷中。孝標辨命非無意。
側聞下詔徵賢才。白日照曜黃金臺。地上麒麟走千里。

青眼高歌爲君起

寄徐

球

冰霜歲云晏落葉盈茅茨朔風入懷袖遠道馳相思相
思楓江側相望茗谿湄昨朝惠尺素分手咨前期初日
照竹屋梅花開滿枝流水渺南浦思君何已時
朝過闔閭城莫行伯通橋吹簫客已去賃廡人亦遙時
與二三子高歌斟酒瓢新知自云樂彌復思故交鴻雁
西北來飛鳴求其曹願言假雙翮百里相游敖

郭汾陽琴歌同沈

亮

作

羯鼓聲殘鼙鼓競阿瞞郎當阿鞞橫凝碧池頭淒管弦
延秋門外飛塵煙王提孤軍赴靈武百戰艱難破彊虜